

QASIGIANGUIT

- Inuussutissarsiutinik ineriaartortitsineq

Qasigiannguani inuussutissarsiutinik ineriaartortitsineq pingaartumik aalisakkanik tunisassiornermut takornariaqarnermullu tunngavoq. Takornariaqarnermi periarfissat (umiarsuit atorlugit takornarianiit, takornarianut nunaqvissunut) ikorfartorneqassapput, illoqarfiup, nunaminertallu arlallallit takornariaqarnermut tunngatillugu ingerlatsivissallugit periarfissallit, takujuminarsarnerisigut. Tunisassiorfitoqqap eqqaa aalisartut atugarisaasa pitsangorsarneqarnissaannut atorneqarsinnaavoq, assersuutigalugu umiatsiaanik iluarsasarfimmik pilersitsivigalugu angallatinullu minnerusunut umiarsualivittut, nunaminertallu illoqarfiup qeqqaniittut inuussutissarsiutinut oqinnerusunut/eqqiluinnerusunut ammaassiffiqeqarsinnaapput, ilaatigut aamma offshore-mik ingerlatanut.

- Ilanniartitaaq

Qasigiannguit illoqarfittut, inuuusuttunut ilanniartoqarfittut nukittuumik inississimavoq, meeqqeriviillu pioreersut, silami illullu iluani ingerlataminnut, periarfissaqarluartariaqarput. Peqatigitillugulu qulakkeerneqartariaqarpoq, ilinniagaqarfiit nutaat, illoqarfimmi ingerlatsilersinnaanissaat. Immaqa illut atorneqanngitsut tamatumunnga tunngatillugu atorneqarsinnaapput.

- Inoqarfiit aamma inigisat pitsasut

Naak illoqarfimmi inissaaleqisoqanngikkaluartoq, pingaaruteqarpoq pisortat illuutaasa ataavartumik aserfallattaalineqartarnissaat, aammalu inuuusuttut, ilanniartut, utoqqaallu illussaqarnissaasa, isumagineqarnissaat. Qasigiannguit illoqarfittut isikkuat illuloriaatsinik assigiinngitsunik, akuttusuunik inisisimasunik tunngavilik, attatiinnarneqartariaqarpoq, aammattaarli illuloriaatsinut nutaanut inissaqartariaqarpoq, illoqarfimmik nutamik inuuneqalersitsisumik.

- Kulturi kinaassuserlu

Kulturikkut inuuneq tigussaasunik sinaakkuserneqartariaqarpoq, Qasigiannguani lu niplersorneq annertuumik sunniuteqarpoq. Tamanna ikorfartorneqarsinnaavoq, ininik sungiusartarfinnik niplersornermillu ilinniarfimmik, illoqarfimmi ingerlatsiviit allanut eqqarsaatigalugit, qiterpasissumi pilersitsisoqarneratigut. Peqatigisaanillu immikkoortortat allanut atorneqalersinnaaneri eqqarsaatigineqarsinnaapput, assersuutigalugu aalisartut talittarfitoqaat, katersugaasiveqarfik suleqatigalugu, kulturikkut siunertanut atorneqarsinnaavoq, imaluunnit illut allanut atorneqalersinnaapput, illoqarfiup isikkua allanngortinngikkaluarlugu.

Meeqqanut ilanniartitaanermullu suliffeqarfiit, illoqarfimmi kulturikkut qimuttuusariaqarput, kulturimik uumasumik pilersitsiniarlutik, ilaatigut katersugaasivik suleqatigalugu. Sunngiffimmi ingerlanneqartartut, soorlu qimusserneq sisorarnerlu, pitsangorsaavigineqartariaqarput. Nunaminertallu ammaannartut tamatumunnga atorneqartariaqarput.

- Toqqissisimaneq inuunerinnerlu

Inuunerinnissamut kisaatigineqartut assigiinngitsorpassuarnut tunngasuupput. Peqatigiiffeqarneq pitsasoq annertunerusumik tapersorsorneqassaaq, innuttaasunut ataasiakkaanut periarfissat amerlanerulersinniarlugit. Tamanna sinaakkuttanik tigussaasunik naammattunik pisariaqartitsiviavoq, ilaatigut periarfissat pioreersut pitsangorsarnerisigut. Peqatigisaanillu Qasigiannguani nunaminertat ammaannartut, qorsooqqinnersallu, inuit imminnut qaninnerulerannik pilersitsiviusinnaapput, pimoorullugu atorneqarunik.

- Peqqissuseq pinaveersaartitsinerlu

Peqqissumik inuuneqarnissamut suliniut ingerlareersut, susassaqartitsiviusartunillu atuineq ikorfartorneqarsinnaavoq, pitsasunik inissaqartitsinikkut. Amerlanerusunik pinnguartarfegarnissaanik, arsaattarfiullu illoqarfiup avannarpasinnerusortaanut

nuunneqarnissaanik innuttaasut kissaatigisaat, meeqqat inuusuttullu susassaqartinnerannut pitsaanerusunik sinnaakkutsiissapput. Illoqarfik timersortarfissuaqarpoq katersortarfeqarlunilu, illoqarfimmi malunnaateqarnerulersinnejarsinnaasunik.

- Angallannermi periarfissat pilersuinerlu

Qasigiannguit ineriertornerat, angallannermi pilersuinermilu periarfissanik pitsaanerusumik ineriertortitsinermik, illoqarfimmik Qeqertarsuup Tunuata sinneranik pitsaanerusumik attaviliisumik, pisariaqartitsivoq. Minnerunngitsumik Ilimanap tungaanut aqqusineqalersinnaaneranut periarfissat misissorneqartariaqarput, imaatigut angallanneq ilanggullugu. Illoqarfiup avannaani nunaminertamik mittarfiliorfissamik immikkoortitsisoqarnikuuvooq. Inissavia ilusilersorneqarnissaalu, aqqusinerniorissa ilanggullugu, peqqissaarnerusumik misissorneqartariaqarput. Kiisalu, iliveqarfik maannakkut inigisamini, allineqarsinnaavoq.

Teknikkikkut pilersuineq ingerlalluartoq, tapserneqassaaq, ullutsinnut naleqquttumik eqqaavilereriaaseqalernikkut, nunaminertamillu, umiarsuit atorlugit eqqakkanik usilersorfiliorfiusinnaasumik atugassiisoqartariaqarpoq. Illoqarfik tamakkerlugu eqqakkanut kuufflersuisoqassappat, tamanna ukioq kaajallallugu imermut aqqusersuinermin, asfalterinermik il.il., ingiaqateqartinneqartariaqarpoq, peqatigitillugulu umiarsualiviup ilorpasinnerusortaantut kuutsitsineq unitsillugu, illoqarfiup avatangiisaata pitsaanerulernissa qulakkeerniarlugu.

- Silap pissusaa, avatangiiseq pinngortitarlu

Erngup nukinga atorlugu ataavartumik nukissiuuteqarneq sivisuumik eqqartorneqartarnikuuvooq misissorneqarnikuullunilu, Qasigiannguani pitsasasunik periarfissaqarnera tunngavigalugu. Taamaattumik pingaaruteqarpoq, erngup nukinga atorlugu nukissiuuteqalernissamik pilersaarutit sulissutigineqarnerat ingerlateqqissallugu, nunaminertat siunertamut pisariaqartinneqartut inniminnissallugit, tamatumunngalu atatillugu inuussutissarsiutit ingerlanneqarsinnaasut eqqarsaatersorfigissallugit, akilersinnaasumik ingerlatsisoqarnissa qulakkeerniarlugu

Illoqarfiup eqqaata kiattumik silaannaqarnera, pinngortitarlu avatangiisaasoq, inuussutissarsiutinut, takornariaqarnermut, qasuersaarfissanullu periarfissaqalersitsippu. Nunalerinermik ingerlataqarnissanut nutaanut (assersuutigalugu Kangersunermi), pisuttuartarfinnut, takornariallu illuaraannut, imaluunniit nunap immikkortuan sulinngiffeqarnermi ornittagassanut, periarfissaqarsorinarpooq. Peqatigissaanilli, pinngortitaq, nasaat oqaluttuarisaanermut tunngassuteqartut, soorlu Qeqertarsussummi Akullernilu, illersorneqassapput.

- Siuaasaniit kingornussarsiat allanngutsaaliuinerlu

Siuaasaniit kingornussarsiat Qasigianguanut annertuumik tigussaasumillu pingaaruteqarput, sulili annertusarneqarnerusinnaallutik, kulturikkut ingerlatatigut, pinguaatitoqqallu atorlugit pinnguartarfeqarnikkut. Suliniut Nunaqarfik Uumasoq, nunap illersugaasumik, aammattaarli siuaasaniit kingornussarsiat qaammaasaqarnerulernissamut, atorneqarsinnaaneranut assersuutissaalluarpoq. Siuasaniit kingornussarsiat takussaasut, nammineq kinaassuserisamik paasinninnissamut, pitsaasumik tunngavissiippu.

- IT, tamat oqartussaaqataanerat oqaloqataanerlu

Kommuneplani tassaalissaq illoqarfiup aqunneqarnerani, aamma suliniutit sanaartukkalu siunnerfilimmik tulleriaarneranni, sakkoq pingaarutilik. Tamaattumillu pisariaqarpoq, kommuneplani pillugu paasissutissiinerup innuttaasunut anngunnissa, aamma innuttaasut kisaatigisaasa politikerinut anngunnissaat. (Qanumut) oqartussaaqataanerup ineriertortinneqarnerani atuarfik pingaarutilimmik suleqataasinnaavoq.